



**Broj: T01 0 KT 0045770 24**

**Dana: 17.09.2024. godine**

**KANTONALNOM SUDU U BIHAĆU  
-sudiji za prethodno saslušanje-**

Na osnovu odredbe člana 45. stav 2. tačka i), a u vezi sa odredbama člana 241. stav 1. Zakona o krivičnom postupku F BiH, **p o d i ž e m:**

**O P T U Ž N I C U**

**PROTIV:**

**ABDURAHMAN TANHA,**

**DA JE**

1. Dana 21.06.2024.godine, u tačno neutvrđenom vremenskom periodu, na području Općine Velika Kladuša u neposrednoj blizini sa granicom sa R Hrvatskom, a u namjeri pribavljanja protupravne imovinske koristi, skupa sa još 7 migranata iz Afganistana i Pakistana, naoružani sa jednom automatskom puškom nepoznate marke i kalibra i 5 pištolja nepoznate marke i kalibra, uz prijetnju oružjem zaustavili grupu od 16 migranata nepalskog, pakistanskog i indijskog porijekla, a koje su prethodno vratili pripadnici MUP-a R Hrvatske na teritoriju BiH, među kojima je bio i P. C. migrant iz Nepala i naredili im da ih slijede kroz šumu, a potom od istih tražili novac u zamjenu za slobodu tukući ih šakama, nogama, motkama, drškama pištolja i kundacima puške po glavi, rukama i leđima, a P. C. naredili da putem telefona nazove svoju porodicu u Nepal i zatraži novac u zamjenu za slobodu pa kada je on rekao da nema živih članova porodice oduzeli mu telefon marke Redmi i 150 eura i nastavili tući po cijelom tijelu kao i ostale zarobljene migrante, snimali mobilnim telefonima koje su prethodno oduzeli od oštećenih kako ih tuku i te snimke slali porodicama putem facebook i messenger, pa kada su porodice drugih migranata dana 22.06.2024.godine uplatili traženi novac, pustili su ih na slobodu, oštetivši na taj način P. C. za tačno neutvrđen novčani iznos i pribavivši sebi protupravnu imovinsku korist, i u istom vremenskom periodu dana 21. i 22.06. 2024 godine, na području općine Velika Kladuša a po prethodnom dogovoru, skupa sa 7 njemu poznatim lica migranata iz Afganistana i Pakistana,, na području općine Vel. Kladuša, u šumi, svjestan da prijetnjom oružjem lišava slobodu kretanja drugih lica, a što je i htio, lišio slobode i držao tako skupa sa ostalim nepoznatim migrantima afganistanskog i pakistanskog porijekla, 16 lica migranata iz Nepala, Pakistana i Indije, među kojima je bio i P. C.

Dakle, u sastavu grupe ljudi, uz upotrebu oružja oduzeo tuđu pokretninu s ciljem da njenim prisvajanjem pribavi sebi protupravnu imovinsku korist i drugog protupravno lišio slobode kretanja.

2. Dana 09.07.2024. godine, u tačno neutvrđeno vrijeme, u mjestu Stabandža, općina Velika Kladuša, po prethodnom dogovoru skupa sa 7 migranata iz Afganistana u neposrednoj blizini granice sa R Hrvatskom, sa namjerom pribavljanja protupravne imovinske koristi, zaustavili 13 migranata koji su nakon neuspjelog pokušaja ilegalnog prelaska granice sa R Hrvatskom vraćeni od strane MUP-a RH u BiH među kojima je bio M. J., K. A. i S. F. – migranti iz Bangladeša, a potom uz prijetnju automatske puške i pištoljima nepoznate marke i kalibra, oduzeli im mobilne telefone i novac, odveli na livadu u šumi i počeli ih udarati kundacima pušaka i pištolja, drvenim štapovima, rukama i nogama snimajući sve to putem telefona koje su prethodno oduzeli od oštećenih, a zatim od M. J. zatražili da od svoje porodice zatraži uplatu od 1.000,00 eura, prethodno putem aplikacije Whatsapp poslali bratu M. J. video na kojem se vidi da ga tuku, a što su činili i sa ostalim zarobljenim migrantima iz Bangladeša, Pakistana, Indije i Kine, a nakon što su dobili potvrdu da je novac uplaćen od strane porodica oštećenih na njihov račun dana 12.07.2024.godine, doveli ih do puta gdje su ih čekala dva taxi vozila koja su ih odvezla do migrantskog centra Lipa, Grad Bihać, u istom vremenskom periodu od 09.07.2024 godine do 12.07.2024 godine, u mjestu Stabandža, općina Vel.Kladuša, u šumi, a po prethodnom dogovoru sa 7 njemu poznatih lica migranata iz Afganistana, svjestan da lišava druge slobode kretanja, a što je i htio, uz prijetnju oružjem lišio slobode kretanja skupa sa ostalim pripadnicima grupe, 13 lica migranata iz Bangladeša, Pakistana, Indije i Kine, među kojima su bili M. J., K. A. i S. F., oštetivši na taj način M. J., K. A. i S. F. za tačno neutvrđen iznos, pribavivši na taj način sebi protupravnu imovinsku korist.

Dakle, u sastavu grupe ljudi, uz upotrebu oružja oduzeo tuđu pokretninu s ciljem da njenim prisvajanjem pribavi sebi protupravnu imovinsku korist i drugog protupravno lišio slobode kretanja.

**Čime je** počinio dva krivična djela– Razbojništvo iz člana 289. stav 2. KZ FBiH u sticaju sa dva krivična djela Protupravno lišenje slobode iz člana 179. stav 1. KZ FBiH, a sve u vezi sa članom 54. istog Zakona.

Slijedom navedenog stavljam:

**PRIJEDLOG  
dokaza koje treba izvesti**

1. **Da se u svojstvu svjedoka ispituju:**
2. **Da se u svojstvu vještaka ispita:**
3. **Da se izvrši uvid i pročita:**
4. **Da se izvrši pregled:**

**REZULTATI ISTRAGE**

## **Dokazi koji potkrjepljuju navode optužnice:**

Na osnovu člana 151. stav 1. i 2. Zakona o krivičnom postupku Federacije Bosne i Hercegovine Sudu stavljam:

### **PRIJEDLOG**

Da Kantonalni Sud u Bihaću nakon potvrđivanja ove optužnice prema optuženom Abdurahman Tanhi iz razloga propisanih odredbom člana 146. stav 1. tačka a) ZKP-a F BiH.

### **PRODUŽI MJERU PRITVORA**

Na način da dispozicija rješenja o produženju pritvora sadrži decidno određenje Suda da se pritvor prema optuženom produžava nakon potvrđivanja optužnice i da po tom rješenju pritvor može trajati najduže 2 (dvije) godine za krivična djela iz optužnice za koje se po zakonu može izreći kazna zatvora preko 10 (deset) godina, ali ne i kazna dugotrajnog zatvora, uz naznaku da će Sud kontrolu opravdanosti pritvora vršiti po isteku svaka dva mjeseca od dana donošenja posljednjeg rješenja o pritvoru.

### **RAZLOZI KOJI SE VEZUJU ZA PRIJEDLOG DA PREMA OSUMNJIČENOM BUDE PRODUŽENA MJERA PRITVORA SU SLJEDEĆI:**

**Kantonalno tužilaštvo Unsko-sanskog kantona smatra da su u konkretnom slučaju ispunjeni kako opći tako i posebni uvjeti za produženje pritvora prema osumnjičenom Abdurahman Tahni tj. da postoji osnovana sumnja, kao viši stepen sumnje da je osumnjičeni počinio krivična djela koja mu se stavljaju na teret ovom optužnicom i da su ispunjeni posebni uslovi propisani u članu 146. stav 1. tačka a) ZKP-a F BiH.**

**KANTONALNO TUŽILAŠTVO TAKOĐER CIJENI DA SU U KONKRETNOM SLUČAJU ISPUNJENI I POSEBNI USLOVI ZA PRODUŽENJE PRITVORA PROPISANI ČLANOM 146. STAV 1. TAČKA a) ZKP-a F BiH.**

Iz navedenih razloga stavljam:

### **PRIJEDLOG**

Da sud nakon potvrđivanja optužnice prihvati prijedlog Tužilaštva i da optuženom Abdurahman Tanhi produži pritvor iz razloga propisanih članom 146. stav 1. tačka a) ZKP-a F BiH, (u skladu sa odredbom člana 151. ZKP-a F BiH).

**KANTONALNI TUŽILAC**

